

مُشَاطِقَةُ

۱۳۲۶

در سعادته یکی پوسته خانه قارشوسنده
دائرة مخصوصه در

مسلک زده موافق آثار جدید مع المذنبه قبول اولنور
درج ابدی بن آثار اعاده اولنور

منظار:

دین، فلسفه، ادبیات، حقوق و علوم دین باحث هفته لقی رساله در

در سعادته نسخه سی ۵۰ پاره در

قبرلده دن مقوا بورو ایله کوندریلیرسه سنوی
۲۰ غروش فضله آلتیر.

در سعادته پوسته ایله کوندریلیرسه ولایات بدلی اخذ اولنور.

تاریخ تاسیسی:

۱۱ نموز ۳۲۴

مؤسسلری: ابوالعلا زین العابدین - ح. اشرف ادیب

سنه لکی القایلی

۶۵

۳۵

۹۰

۵۰

غروشدر.

در سعادته

ولایاتده

ممالک اجنبیهده

عدد: ۱۶

۳۲۶ ذی القعدة ۱۶ پنجشنبه ۲۷ تشرین ثانی ۳۲۴

برنجی سنه

نفسیه شریف

[غَيْرِ الْمَغْضُوبِ عَلَيْهِمْ وَلَا الضَّالِّينَ]

مظاهر غضب الهی و گرفتار ضلال ابدی اولان کسه دلرک غیری، انلره بالکلیه مابین بولنان ذوات کرامک طریق سلامت رقیقه (هدایت بیور) بونظم شریفده موصول سابقدن، «الذین انعمت علیهم» قول کریمندن بدل اولوب آتی تفسیر مقامنده وارد اولمشدر. چونکه منعم علیه اولانلرک مظهر غضب و ضلال اولانلره مغایر تلیقی افاده دن مقصد آنلردن غضب و ضلالی سلب ایتمکدرکه بو، انک مفهوم لازمیدر. غضب و ضلالدن بالکلیه سلامت ایسه اک بیوک نعمت الهیه نائلیت دیمک اولسنه منعی منعم علیه اولان ذواتی سلامت مذکور ایله ممتاز بولنان عباد صالحیندن عبارت قلیق مناسب اولور.

بونظم شریفک صفت قلمق احتمالی ده وارد. بوتقدیره کوره نعم اخرویه ایله اکا موصول اوله جق نعم دنیویه مظهر بولنان مؤمنلرک اک مکمل صورتده، نائلیتلری، مواخذ و مسؤولیتدن تماماً مصونیتلری مقصود اوله رق کندیلری مؤمنین کاملیندن عبارت اولورلرسه نظم شریف صفت کاشفه، واکر نعم مذکوریه فی الجمله نائلیتلری مقصود اوله رق علی الاطلاق مؤمنلردن عبارت قلمورلرسه فاسقلری اخراج ایتمک ایچون ایراد بیورلمش صفت مقیده اولور.

تفسیر الفاظ

(غضب) انتقام ارزو سیله نفس انسانیه نیک هیجان خصوصیدرکه غلیان دم قلبی مرجب اولور. جناب باری حقنده استعمال اولندقدنه غایتی اولان اراده انتقامه محمول اولور.

نصل که بسمله شریفه تفسیرنده ذکر اولنان قاعده کلیه بونی مقتضیدر. (ولا الضالین) ده کی «لا» غیردن مستفاد اولان معنای نفی تأکید ایچون زیاده قلمشدرکه مفاد کلام: نه مغضوب علیه اولان، نه ضالین بولنانلرک طریق ایسته میز دیمک اولور. «ضلال» طریق سویدن کرک عمداً و خطاء اولسون عدول و انحراف دیمکدر، مراتب متنوعه سی اولوب اقصای کفر، ادناسی مکروه دن عبارتدر. بوراده مقتضای اطلاق و مقام دعا به مناسب اوله جفی وجهله مقصود بتون انواعیدر.

تعیین مراد

بعض ارباب تفسیر مغضوب علیه قوم یهود، ضالین طوائف نصاران عبارتدر دیورلر. بوضورتده «الذین انعمت علیهم» قبل النسخ و التحریف قوم موسی و عیسی علیهما السلامه حل اولنسی لازم کلیر. بوایه اطلاق لفظه موافق اولمدیغی جهته غایت بعیددر. برحدیث شریفده بوضورتله بیان بیورلمسی تفسیره دکل تمثیله محمولدر.

ارجح اولان مغضوب علیه عاصیلر، ضالین معرفت الهیه دن خالی اولانلردن عبارت قلمقددر. چونکه منعم علیه لذاته حق و لاجل العمل خیری بیلک صورتیه دلیر نعم سبحانیه اولانلردن عبارت اولسنه بناء بونلرک مقابلی قوه عاقله ایله قوه عامله لرندن بریسی مختل اولان کسه لردر. عمل صالحی اضلال ایدن فاسق اولوب مغضوب علیه در. نصل که قاتل متعمد حقنده (وغضب الله علیه) وارد اولمشدر.

علم و معرفتی اضلال ایدن ده جهل و ضلاله مقارنلر. نصل که برآیت کریمده «فاذا بعد الحق الا الضلال» بیورلمشدر. یعنی معرفت حق خارجنده قالان جهل و ضلالدن بشقه برشی دکدر.

[آمین]:

استجب معناسنه اسم فعل اولوب معناسی : دعائیه اجابت بیور دیکدر . بالاتفاق سوره فاتحه دن جزء دكسه ده تلاوت سوره جلیله عقیده اوقونسی مأثوردر . احادیث شریفه ده تصریح اولندی اوزره جبرائیل علیه السلام طرفندن تعلیم بیورلمشدر .

« خاتمه »

سوره جلیله مزده بتون بنی آدم اوج طائفه تقسیم بیورلمشدر :
منعم علیه ، مغضوب علیه ، ضال .

منعم علیه اولان ذوات کرام بالاده ذکر اولندی اوزره درت صنف تشکیل ایدرلر .

مغضوب علیه اولانلر دخی ضالاک معنای موضوع لهنه نظراً ضالین ده داخلدرلر . فقط براده ضالین تعبیری حق تعالی حضرتلرینه احکام شرعی سنه دائر جهلدن خالی اولیان کسانه تخصیص اولنهرق مغضوب علیه خارج بر اقلمشدر . بناء علیه مغضوب علیه بیهیله ارتکاب معاصیه و یا خود عناد واستکبار ایله کفر وتکذیبه جرأت ایدناردن عبارت اولور که ایکی صنف اولمش اولورلر : صنف اول عصاة مؤمنین ، صنف ثانی کفره معاندین .

مغضوب علیه اولانلرک چله سنک عذاب استحقاقلرنده شبهه یوقدر . فقط مرتکب معاصی اولان مؤمنلرک بر قسمی شفاعت شافعین ایله عفو بیوریله جق ومعذب اولان قسمی ده ابدیاً جهنمه قالمیه جقدر . اما عناد واستکبار ایله بداهته ، براهین قطعیه ایله ثابت بر حقیقه قارشو کفر وتکذیبه اصرار ایلین سفهای بی ادغان نارجمیده مخلد ، ابدیاً سوزان اولهرق قاله جقدر .

ضالین ده صنوف عدیده بی حاویدر .

بو مقامده مغضوب علیه اولان طائفه نک کفره قسمیه ضالین طائفه سنک صنوف مختلفه سی وهر صنفک بطلان مذهب ومقالاتی ایضاح اوانق اقتضا ایتدیکندن ایکی فصل مستقل ایرادینه لزوم کورلمکده در .

مناسبتی اسماعیل هفی

نجائب قرآنیہ

سوره نساء : آیت - ۵۶

« ان الله يأمرکم ان تؤدوا الامانات الى اهلها واذا حکمتم بین الناس ان تحکموا بالعدل ان الله نعماً یعظکم به ان الله کان سمیعاً بصیراً »
تحقیق الله سزه امر ایدیور که امانتلی اهلنه تأدیه ایده سکز . وحکم ایتدیککز وقت عدل ایله حکم ایلیمه سکز . اللهم سزه وعظ ایتدیکی [بو نصیح وپند بیوردیغی] شی [که اهلنه اداه امانات وحکملمده عدالت ایتدیکر] نه کوزل . جناب حق سمیع در [اقوالکزی ، حکمکر . یکزی ایشیدر] ، بصیردر [افعالکزی ، اماناتی اهلنه ادا ایدوب ایتادیککزی کورر] .

نه بلیغ وجامع موعظه الهیه ! ساده ومقدس برجاذبه بیان ایله انسانی نصل برجهان معالی وفضائله عاشق ایدیور !

قنی انساندر که امانته خیانت ایتسونده فلاح بولسون ، عاقبت پریشان اولسون . قنی دولت وامندر که اهلنه ادای اماناتی واحکامده عدالتی التزام ایلسونده نجم شوکت واقبالی درخشان اولسون . حامل وظائف اولانلرک عهدلرنده امانت بولنان جاه ومنصبلر اهلنه تفویض ایله ایش باشلرنده امین وکاردانلر بولنور . وحاکمکر حکملمنده طمع وامنییه مغلوب اولیوبده عدل وحقانیته متوجه اولورلر ایسه اودیاردنه ندر تجلی ایتمز ، جابجا ندرلو فیوض ظهوره کلز ؟ بومسلکه سالک اولان ملل ونخلده دمبدم نشانه التفات الهی کوریلور .

نظم دنیا سبی سلطنت عادلر

اعدل خلقنی حق ناظم اشیا ایلر

فضرری

وله

حکمر واسطه موت و حیات خلقک

وای اول حاکمکیم ایلیم حکمنده خطا

قیله مظلوملری مرجتندن محروم

ویره ظالمیره اوز نفی ایچون استیلا

ملتقی شارحی داماد مرحوم کتاب القضاءه شوحدیث شریفی نقل ایتشد : « من قلد انساناً عملاً وفی رعیته من هو اولی منه فقد خان الله ورسوله وخان جماعة المسلمين » برکیمه بر انسانه برایشی تقلید وتفویض ایدوب حالبوکه رعیه سی ایچنده او انساندن اولی والیقی بولنورسه اول کیمسه علی التحقیق الله ورسولنه وجاعت مسلمینه خیانت ایتمش اولدی . حدیث شریفده کی جمله شرطیه نک جوابی [اشباه] ده « فقد ظلم مرتین باعطاء غیر المستحق ومنع المستحق » صورتنده روایت اولمشدر . بوروايته کوره مال منفی شودر : برکیمه برایشی رعیه سی ایچنده او ایشیه احق والیقی واریکن برانسانه تفویض ایدرسه اول کیمسه غیر مستحقه اعطا ومستحق منع ایتدیکی جهته علی التحقیق ایکی کره ظلم ایتمش اولدی .

* *

« ان الله يأمرکم ان تؤدوا الامانات الى اهلها » قول کریمی کعبه معظمه نک سادن وکلیدداری عثمان ابن طلحه بن عبدالدار حقنده نازل اولمشدر . رسول اکرم افندمن یوم قحده مکیه داخل اولنجه عثمان بن طلحه کعبه نک قپوسنی کلیدلیوب سطح کعبه ده چقشمش ومفتاح کعبه بی پیغمبر افندمنه تسلیمدن امتناع ایله بن انک رسول الله اولدیغنی بیلیدم مفتاحی اندن اسیرکه مندم دیمش ایدی . امام علی حضرتلری عثمانک الی بوکوب مفتاحی الی ، کعبه قپوسنی اچدی ، رسول الله افندمن درون بیت معظمه کیروب ایکی رکعت نماز قیلدی . طیشارییه چیققدنه عباس حضرتلری مفتاح کعبه کندوسنه ویریلوب سقایات ایله سداتی جمع ایتسنی طلب ایتدیسده بوآیت کریمه نازل اولمغه رسول محبتی علیه افضل التحایا حضرتلری مفتاحی عثمانه اعاده ایدوب اعتذار